



Broj: 10/E-11-4338/24  
Sarajevo, ~~30-07-2024~~ godine

Na osnovu člana 70. stav (1), (2), (3) i (6) Zakona o javnim nabavkama Bosne i Hercegovine ("Službeni glasnik BiH", broj 39/14 i 59/22) u daljem tekstu: Zakon, člana 69. Statuta Općine Centar Sarajevo – Prečišćeni tekst («Službene novine Kantona Sarajevo», broj 23/04), na prijedlog Komisije za nabavku roba, usluga i radova I, imenovana rješenjem broj: 10-45-236/24 od 25.03.2024.godine (u daljem tekstu: Komisija I), u postupku: Usluga digitalizacije arhivske građe – skeniranje, putem konkurentskog zahtjeva za dostavu ponuda, (Zapisnik o pregledu i ocjeni ponuda broj: 10/E-11-4338/24 od 26.07.2024. godine), Općinski načelnik donosi:

### **ODLUKU O IZBORU NAJPOVOLJNIJEG PONUĐAČA**

- I** Prihvata se ponuda prvorangiranog ponuđača „**KABAS**“ d.o.o. Sarajevo, ulica Šehercćehajina čikma broj 3, 71000 Sarajevo, broj: 07-075/2024 od 22.07.2024. godine, za usluge digitalizacije arhivske građe – skeniranje, putem konkurentskog zahtjeva za dostavu ponuda, sa umanjenom cijenom nakon provedene e-aukcije, u ukupnom iznosu od **0,19 KM bez PDV-a**, odnosno **0,22 KM sa PDV-om (jedinična cijena usluge)**.
- II** Ugovorni organ će sa izabranim ponuđačem zaključiti okvirni sporazum sa rokom trajanja do 31.12.2024. godine ili do maksimalnog iznosa 41.500,00 KM bez PDV-a, kojim će regulisati međusobna prava i obaveze u vezi predmetne nabavke, shodno zahtjevima ugovornog organa i zakonskim propisima.
- III** Ova Odluka se dostavlja ponuđačima koji su učestvovali u postupku javne nabavke u roku od 7 (sedam) dana, shodno članu 70. stav (2) i članu 71. Zakona o javnim nabavkama.
- IV** Odluka će se objaviti na web stranici Općine Centar Sarajevo ([www.centar.ba](http://www.centar.ba)) u skladu sa članom 70. stav (6) Zakona o javnim nabavkama.

### **O b r a z l o ž e n j e**

Postupak za javnu nabavku za usluge digitalizacije arhivske građe – skeniranje, pokrenut je Odlukom Općinskog načelnika o pokretanju postupka javne nabavke, broj: 10/E-11-4338/24 od 28.06.2024. godine putem konkurentskog zahtjeva za dostavu ponuda, uz primjenu e-aukcije. Procijenjena vrijednost javne nabavke iznosi 41.500,00 KM bez PDV-a. Obavještenje o nabavci broj: 848-7-2-72-3-117/24 od 12.07.2024. godine.

U roku za predaju ponuda koji je određen tenderskom dokumentacijom (23.07.2024. godine do 10:00 sati), na adresu ugovornog organa dostavljene su 3 (tri) ponuđača, kako slijedi:

1. „GEOBIRO“ d.o.o. Konjic
2. „MIKROGRAFIJA“ d.o.o. Sarajevo
3. „KABAS“ d.o.o. Sarajevo

U skladu sa članom 63. Zakona o javnim nabavkama, Komisija I je u zakazano vrijeme pristupila javnom otvaranju pristiglih ponuda i nakon što je utvrđena urednost dostave, pročitana je cijena svake ponude, kako slijedi:

R/b	Ponudjač	Ukupna cijena (KM) bez PDV-a	Popust	Ukupna cijena (KM) sa PDV-om
1.	„ GEOBIRO “d.o.o. Konjic	0,50 KM	-	0,585 KM
2.	„ MIKROGRAFIJA “d.o.o. Sarajevo	0,0667 KM	-	0,0780 KM
3.	„ KABAS “d.o.o. Sarajevo	0,30 KM	-	0,35 KM

Nakon izvršenog javnog otvaranja ponuda, na zatvorenom sastanku Komisija I je u skladu sa pravilima propisanim Zakonom i podzakonskim aktima pristupila detaljnoj analizi dokumentacije priložene uz ponude, u smislu provjere njihove potpunosti i ispravnosti, kao i usklađenosti sa zahtjevima ugovornog organa iskazanim u tenderskoj dokumentaciji za ovaj predmet javne nabavke.

U daljem radu Komisija I je dana 23.07.2024.godine izvršila detaljnu provjeru pristiglih ponuda, te utvrdila sljedeće:

- ponuda ponudjača „GEOBIRO“ d.o.o. Konjic je prihvatljiva, kompletna i računski ispravna
- ponuda ponudjača „KABAS“ d.o.o. Sarajevo je prihvatljiva, kompletna i računski ispravna

Ponuda ponudjača „MIKROGRAFIJA“ d.o.o. Sarajevo je nepravilna, te se ista isključuje iz daljeg postupka evaluacije. Naime, ponudjač „MIKROGRAFIJA“ d.o.o. Sarajevo svoju ponudu nije dostavio u skladu sa uslovima tenderske dokumentacije, odnosno nisu ispunjeni sljedeći uslovi:

### 7.3.1. Tehnička i profesionalna sposobnost član 48. - 51. Zakona o javnim nabavkama:

U skladu sa članom 50. stav (1) alineja a) i c) Zakona o javnim nabavkama, ugovorni organ zahtijeva da ponudjač kao dokaz tehničke i profesionalne sposobnosti, mora ispuniti minimalne uslove za učešće i to:

c) da će obezbijediti transport najmanje 2 (dva) skenera ( MFP uređaja) do prostorija Naručioca

#### DOKAZ ZA c):

c) Izjava na memorandumu ponudjača da će obezbijediti transport najmanje 2 (dva)skenera ( MFP uređaja) do prostorija Naručioca

**Izjava mora biti potpisana od strane ovlaštene osobe i ovjerena pečatom ponudjača.**

Ponudjač „MIKROGRAFIJA“ d.o.o. Sarajevo nije u svojoj ponudi dostavio Izjavu traženu tačkom 7.3.1., te shodno navedenom, ponuda ponudjača „MIKROGRAFIJA“ d.o.o. Sarajevo se u skladu sa članom 2. stav 6) tačka l) pod 3) isključuje iz daljeg postupka evaluacije kao **nepravilna**

Tenderskom dokumentacijom predviđeno je održavanje e-aukcije, što je navedeno i u Obavještenju o nabavci. Dana 24.07.2024. godine, ugovorni organ je zakazao e-aukciju za 26.07.2024.godine sa početkom u 09,45 sati. E-aukcija je uspješno okončana dana 26.07.2024. godine u 09:55 sati. sati.

**Rangiranje prihvatljivih ponuda prema kriteriju za izbor ponude „najniža cijena“ na osnovu člana 64. stav (1) tačka b) Zakona o javnim nabavkama, a nakon provedene E-aukcije i umanjenja cijene ponuda:**

RANG	Ponudjač	Ukupna cijena ponude bez PDV-a (KM)	Popust izražen u KM i procentu %	Ukupna cijena sa popustom i PDV-om
1.	„ KABAS “d.o.o. Sarajevo	0,19 KM	-	0,22 KM
2.	„ GEOBIRO “d.o.o. Konjic	0,20 KM	-	0,23 KM

Cijeneći sve prethodno navedeno, Komisija I je u daljem radu donijela jednoglasnu odluku da se Općinskom načelniku dostavi


### PREPORUKA O PRIHVATANJU PONUDE

Prvorangiranog ponuđača „KABAS“ d.o.o. Sarajevo, ulica Šehercerhajina čikma broj 3,71000 Sarajevo, broj: 07-075/24 od 22.07.2024. godine, za uslugu digitalizacije arhivske građe – skeniranje, putem konkurentskog zahtjeva za dostavu ponuda, sa umanjenom cijenom nakon provedene e-aukcije u ukupnom iznosu **0,19 KM bez PDV-a** odnosno **0,22 KM sa PDV-om (jedinična cijena usluge)**. Sa izabranim ponuđačem će se zaključiti okvirni sporazum sa rokom trajanja do 31.12.2024. godine ili do maksimalnog iznosa 41.500,00 KM bez PDV-a.

Općinski načelnik u postupku evaluacije nije našao razloge niti nepravilnosti u radu Komisije I koji bi eventualno bili osnov za neprihvatanje preporuke Komisije, te je odlučeno kao u dispozitivu ove Odluke.

#### Pouka o pravnom lijeku:

Protiv ove Odluke može se izjaviti žalba Uredu za razmatranje žalbi putem ugovornog organa, najkasnije u roku od 5 (pet) dana od dana prijema ove Odluke, shodno članku 101. stav (5) tačka c) Zakona o javnim nabavkama. Naknada za pokretanje žalbenog postupka iznosi 500,00 KM u skladu sa članom 108. stav (1) tačka a) Zakona o javnim nabavkama. Žalba se podnosi u dovoljnom broju primjeraka, a koji ne može biti manji od 3 (tri).



Prilog: Zapisnik o pregledu i ocjeni ponuda  
broj: 10/E-11-4338/24 od 26.07.2024. godine

#### Dostaviti:

1. „GEOBIRO“ d.o.o. Konjic, ulica Pleha 2A, 88000 Konjic
2. „MIKROGRAFIJA“ d.o.o. Sarajevo, ulica Put Famosa broj 38,71000 Sarajevo
3. „KABAS“ d.o.o. Sarajevo, ulica Šehercerhajina čikma broj 3, 71000 Sarajevo
4. Kabinetu općinskog načelnika – Odsjek za javne nabavke
5. Službi za opću upravu
6. Službi za finansije
7. Arhivi

